

Fijian - Agape Vola Tabu - God's Love Letter Scriptures

Joni 15:9 "Me vaka sa lomani Au o Tamaqu, Au sa lomani kemudou vakakina; dou sema tikoga mai ena Noqu loloma.

Aisea 43:1 Ia oqo, sa tukuna o Jiova, o koya ka buli iko, Jekope, kei Koya sa vakacokotaki iko Isireli "Kakua ni o rere, ni'u sa voli iko, au a kacivi iko ena yacamu; o sa noqu.

Jeremaia 1:5 "Ni'u a bera ni buli iko ena kete Au sa kilai iko; ni bera ni o sucu mai Au sa vakatabui iko, ka lesi iko mo parofita ki na veimatanitu."

Joni 15:16 "Dou sa sega ni digitaki Au, Au sa digitaki kemudou ka lesi kemudou, me rawa ni dou lako ka vua mai, me dei na vuamudou, ni veika kecega dou na kerea vei Tamada ena Yacaqu me na solia vei kemudou.

3 Joni 1:2 Na luvequ, noqu masu mo vakasaututaki ena ka kecega ka mo bula vinaka, me vaka ni sa bula vinaka na yalomu.

Aisea 43:4 O iko o sa talei sara e Mataqu, o sa dokai kina, Au a lomani iko; o koya oqo Au na solia na tagane vei iko, kei na tamata mei sau ni nomu bula.

Jeremaia 31:3 Sa rairai e liu vei au o Jiova ka tukuna; "Io, Au sa lomani iko e na loloma sa sega ni mudu: O koya oqo Au sa vakadedetaka kina na loloma vei iko.

Osea 11:8 "Au na laivi iko vakaevei, Ifereimi? Me'u na soli iko vakaevei Isireli? Me'u na soli iko vakaevei mo tautauvata kei Atima? Me'u vakatautauvatataki iko vakaevei kei Sepoimi? Na yaloqu sa luvuci au; ni sa yavalati au noqu yalololoma.

Joni 3:16 "Ni sa lomani vuravura na Kalou, sa solia kina na Luvena e dua ga, ni o koya vakayadua ga sa vakabauti Koya, ena sega ni rusa, sa na rawata ga na bula e sega ni mudu.

Aisea 49:15,16 "E na rawa li vua e dua na yalewa me na guilecava na luvena se qai sucu, me kua ni lomana na luvena na lewe ni ketena? E dina sara e rawa ni guilecava, io, oi Au, au na sega sara ni rawa ni na guilecavi iko. 16 Mo raica, Au sa ceuti iko tu ena qeteqete ni ligaqu; a nomu bai sa tikotiko ga e mataqu.

Aisea 41:13 Ni sai Au, o Jiova na nomu Kalou, ka'u na taura na ligamu i matau, ka tukuna, 'Mo kakua ni rere, Au na vukei iko.'

Maciu 28:20 'Dou vakatavulica vei ira mera vakaraica matua nai vakaro Au a vakaroti kemudou kina; ka mo dou kila sara, Au sa dau tiko vata ga kei

kemudou ena veigauna kecega, ka yacova sara nai vakataotioti kei vuravura.' Emeni.

Joni 14:1 "Dou kua ni vakatara me leqa na yalomudou; dou vakabauta na Kalou, dou vakabauti Au talega.

Aisea 41:14 "Mo kakua ni rere, o iko Jekope na wadamele kei kemudou na Isireli! Au na vukei iko," sa tukuna o Jiova kei na nomui Vakabula, na Yalosavasava ni Isireli.

Aisea 43:2 Ni o sa lako e loma ni wai, Au na tiko kei iko, kei na loma ni uciwai, ena sega ni luvuci iko. Ni o lakova ena loma ni bukawaqa, o na sega ni kama, ena sega ni yameci iko na yameyame ni bukawaqa.

Same 23:1-6 O Jiova sa noqui vakatawa. Au sa sega ni gadreva tale e dua na ka. 2 Sa cakava me'u davo sobu ena veivanua drokadroka; Sa liutaki au ki na wai sa drodro vakamalua. 3 Sa vakalesuya tale na yaloqu vua na Kalou, Sa liutaki au ena sala dodonu, ena vuku ni Yacana. 4 E dina ni'u sa lako ena buca ni yaloyalo ni mate, au na sega ni rerevaka na ca; ni kemuni sa tiko vata kei au, ena vakacegui au na Nomuni titoko kei na Nomuni matana ki lagi. 5 O Ni sa vakarautaka vei au na teveli, e matadra na kequ meca, o Ni lumuta na uluqu e nai lumu, sa vuabale ga na mequ bilo. 6 E dina, na vinaka, kei na yalololoma, ena muri au ena veisiga kece au sa bula kina; au na tikoga ena vale nei Jiova ka sega ni mudu.

Joni 14:27 Au sa biuta tiko vei kemudou na veivakacegui. Na noqu veivakacegui Au sa solia vei kemudou; sa sega ni vaka sa solia o vuravura na veika Au sa solia vei kemudou. Me kua ni vakaleqai na yalomudou se mo dou rere.

Filipai 4:7 Na Nona vakacegu na Kalou, sa uasivita na ka kecega e kilai rawa, ena maroroya ka vakataudeitaka na yalomudou kei na lomamudou, ena vuku i Karisito Jisu.

Vakaibalebale 3:24 Ni o sa davo sobu o na sega ni rere, lo, ena kamikamica sara na nomu moce.

Same 4:8 Au sa davo ena vakacegu, ka moce talega, ni sai kemuni duadua ga Jiova, na vuni noqu tiko vinaka.

Same 33:18 Raica, na mata i Jiova sa tiko ga vei ira sa rerevaki Koya, vei ira sa vakanuinui tiko ki na Nona yalololoma,

Roma 5:2 Ena vuku ni noda vakabauta, eda sa mai vakadaberi ena dua nai cewacewa vakaturaga, me vaka eda sa tu kina ni kua, me da reki tiko, ni sa noda tu na vanua lagilagi ni Kalou.

Aisea 55:12 "Ni dou na lako yani ena reki, ka tuberi yani ena vakacegu; na veiulunivanua kei na veidelana era na lagalaga sere e matamudou, kei na kau kecega ni vanua era na vakasausau.

Joni 16:22 "Oqo dou se rarawa tiko, ia, Au na raici kemudou tale ka na reki

vakalevu sara na yalomudou kei na nomudou reki ena sega ni kau tani rawa mai vei kemudou.

Luke 12:9 "Ia o koya ena cakitaki Au ena matadra na tamata, ena cakitaki talega ena matadra na agilosi ni Kalou.

Maciu 10:30 Ia na veidrau ni ulu kece e ulumudou e kila vinaka o Koya na kenai wiliwili.

Aisea 54:10 Era na tosoi na veiulunivanua kei na veidelana ena biu vakatikitiki, ia na Noqu yalololoma ena sega ni takali vei iko, ena sega ni na kau tani na Noqu veiyalayalati ni tiko sautu," sa tukuna o Jiova, o koya ka lomani iko.

Maciu 11:28-30 "Dou lako mai vei Au, oi kemudou vakayadua ga sa oca ka colata nai colacola bibi, Au na vakacegui kemudou. 29 "Dou vakataqara vei kemudou na Noqu i Vua ka vuli vei Au, ni'u sa Yalomalua ka Yalomalumulumu, dou na qai kunea kina na vakacegu ni yalomudou. 30 "Ni sa rawarawa na Noqu i vua ka mamada na Noqu i colacola."

Sere I Solomoni 2:10 Sa vosa mai na noqu daulomani, ka sa tukuna, "Mo tucake mai na noqu ka lomani, na mata vinaka, lako tani mai.

Osea 2:14,19,20 "O koya oqo, raica, au na rawai koya, ka kauti koya kina vanua dravuisiga, ka vosa vakayalovinaka vua. 19 "Au na tauri iko mo watiqau ka sega ni mudu; lo, au na tauri iko mo noqu ena yalododonu, kei na lewa dodonu, kei na yalovinaka, kei na yalololoma; 20 Au na tauri iko mo noqu ena lomadina, o na qai kilai Jiova.

Lako Yani 3:14 Sa vosa na Kalou vei Mosese, "SAI AU GA VAKAI AU." "Mo qai tukuna vei ira na luvei Isireli, 'OI AU GA, sa talai iko yani."

Osea 13:4 "Oi Au o Jiova na nomudou Kalou. Tekivu mai na vanua o Ijipita, me kakua tale ni dua na Kalou tani mo dou kila oi Au duadua ga; ni sega tale ni dua nai Vakabula.

Joni 15:14 "Dou sa noqui tokani voleka kevaka dou sa cakava na veika Au sa vakarota vei kemudou.

Vakatakila 3:20 "Raica, Au sa tu ena mata ni katuba ka tukituki. Kevaka e dua e rogoca na domoqu ka dolava na katuba, Au na curu yani vei koya ka vakayakavi vata, o koya keirau na dua vata.

**Pastor T. John Franklin
Church of Salvation, Healing, and Deliverance
COS-HAD.org**